

海

國

圖

志

海國圖志卷三十四目錄

利未加洲東州南州北州各國

東州各國

屬蒲桃亞六國
屬阿丹天方二國

北州各國

屬佛郎西四國
屬呂宋一國

南州各國

屬英吉利一地
屬土酋自主者各國
屬蒲桃亞二國

海國圖志卷三十四

歐羅巴人原謨

小西洋

東北南三利未
亞共爲此卷

侯官林則徐譯

邵陽魏源重輯

東阿利未加洲

東阿利未加洲濱臨因里阿海東自海岸以至西域寬
約五六百里不等南自含摩那司北至阿匿海岸環繞
計長三千里北廣南狹內有路巴達大山其橫縱起伏
長竟海岸河二路菲尼河由摩新彌葵出海匿彌西河

下流分四口出海商舶以歸爾厘麻尼河口爲最土番

面黑頗工技藝千五百年

明宏治十三年

聞葡萄亞人由兀賀

峽至此地墾闢南隅海岸拒絕外人故其中部落若干

酋長若干甲所轄何地乙所轄何地幅員戶口政事教

門均未能悉南有含摩那司英漢門疏華臘麻尼加摩

加蘭牙摩新彌葵六部俱葡萄亞所轄北有山危麻摩

區二部阿丹所轄

含摩那司東界海西界曠野南界加富臘厘阿北界英

漢門東阿未里加洲之南界卽由此而起

英漢門東界海北界蘇華臘西南俱界含摩那司地卑
涇水土惡土番三千獠好鬪有葡萄亞礮臺守兵百五
十產顏料象牙黃蠟歲值不下十萬棒又船載人口售
于摩新彌葵輒十餘舟每舟四五百口

蘇華臘東界海西界麻尼加南界英漢門北界摩嘉蘭
野濱臨海岸灘沙曰漲非小艇不能登岸土番是加付
臘黎阿種類常懷利刃不夢約束葡萄亞初至本一大
市鎮也造築礮臺以禦土番土產金及象牙皆由染彌
西河運至交易今則改運莫新彌變所屬之歸爾厘馬

尼河口昔日市埠倏變窮鄉海舶間至亦止棉花粗貨
麻尼加東界蘇華臘西界曠野南界含摩那司北界摩
加蘭野葡萄亞人於千五百六十九年明隆慶三年率師奪
據築礮臺開埠市採金礦金雜山石中取之竭力而產
不旺惟銅鐵象牙與販賣人口交易甚大

摩加蘭野東界海西界曠野南界蘇華臘北界摩新彌
葵土番面光黑厚唇懸髮兵惟弓矢無火器聞其地前
卽摩諾摩達巴國新摩其首部落也後因割裂各霸一
方其會占牙麥臘者卽麻臘威湖之盜據新摩部落自

稱曰歸底威

莫新彌、東界海、西界曠野、南界摩加蘭野、北界山維
騰、葡萄、亞所轄地、此爲最大近海岸六島、並屬葡萄亞
摩新彌葵部落、在歸爾厘麻尼河口之上、道路雖坦、水
土頗惡、然葛葛衙署也之華麗、甲於阿末里加洲、所設稅口
公所、墉垣宏敞、近有坍塌、貴人僉從、服飾都麗、佩帶多
飾、以金居此者、葡萄亞人五百、阿丹人八百、土番約六
千、黑番千有五百、礮臺不甚堅、可禦海賊、難拒大敵、歸
爾厘麻尼爲國中、大市鎮、赤金象牙、販賣人口、均由區

彌河運至市埠鱗次近因英吉利奪得達溫峽與毛厘底敖司二處阻販人口過境故市減大半然每年運回葡萄亞者尙不下四千口厥凌島在其對岸舊無人居葡萄亞人開闢其地遷莫新彌夔之人居之與馬那亞司加大島相近常被其劫奪歸阿臘島亦葡萄亞市埠孟麻沙島膏腴產糖與五穀般麻島匭西脈島孟菲阿島陸產固豐其海中尤多珊瑚以上皆葡萄亞所轄其貿易以匭西墨島爲最有礮臺設兵二百三十幾利斯底匭人五百番奴二萬一千八百有奇土番約萬人產

蜜糖黃蠟顏料

以上六國皆屬葡萄牙

山維麻東抵海西抵曠野北界阿區南界莫新彌斐葡
荷亞始至其地向是蘇恢里西人所據今則分而爲三
南隅腹地爲牙爾臘人所奪牙爾臘者阿邁司尼阿國
中土蠻也南隅沿海諸岸則爲阿丹所奪北隅有麻雅
諾沙大部落據之拒絕歐羅巴不通往來千七百七年
康熙四十七年有英吉利之船戶駕三板船登岸探訪被羈不
返由洋面遙望麻雅諾沙部落半屬茅舍半屬高大石
墳工作華麗故歐羅巴人謂之埋人城墨臘瓦者麻雅

諾沙之部落貿易鱗莖亦一大市鎮也

阿區東西抵海南界山維麻西北界阿邁司尼西南抵曠野爲東阿未里加盡處北岸對海卽阿丹地阿區土番種類甚雜地盡沙石土燥不宜播種北多山阜所運出土產除香料外莫識何物麻馬臘亦一小部落每年一會所產香膠沒藥乳香赤金象牙諸貨畢至商賈雲集阿丹所貿易之香膠香料大半由此購去并聞內地運出者距麻馬臘二十日程殆產自牙爾臘地也阿區爾在阿區西北與牙爾臘毘連首部曰西臘本阿區舊

地俗奉馬哈墨教常與阿邁司尼阿爭鬪日久兩憊各自分理西臘貿易蕃庶竟爲阿邁司尼所奪由此再進則皆山野內有任尼羅國遇新酋立時卽屠其舊酋媵妾大官取血以飾宮室

以上二國皆屬阿丹

萬國地理全圖集曰東亞非利加惟葡萄牙國開新地其西北之方被回回所據其海邊最低到處稠林所有人類烈性野心近於禽獸其山內有藥材以及金沙其葡國之權現衰兵微將寡以買人口爲要又將其奴送到廣東揭門內地族類狡戾猖獗草木暢茂禽獸繁殖

五穀不登其葡之要地曰所弗刺摩散北兩邑其回回之城稱曰墨林他雖其海邊長九千里但無文學之士巡歷紀載故其情形難詳。東大島稱曰馬大狎甲出南極自十二度至二十六度長八百四十里闊二百二十里其中一帶高山巔巖險崆溪瀑飛流其山谷中多蘇木高竹橙核等樹平地水澤風景甚好居民二百萬丁頗向化道光年間島君延英國敎師勸民嚮學文藝大進多信服耶蘇之敎王忽被王后毒死驅逐善良而招其匪類其佛蘭西國官務開新地亦無效而退。其

東方有英國之島、稱曰冒勒突、周圍四百五十里、出白糖等貨、每年運進者價值二百七十萬銀兩、凡所運出者百萬兩。○佛國據捕耳木與居民九萬七千二百丁、出白糖、玳瑁、丁香等物、每年價銀百八十六萬、但無停泊之港、每遇狂風、船難避壞、其三島外還有羣島、多椰子。

北阿利未加洲四國

即職方外紀之馬羅可國弗沙國也古分二國今分四國

爲佛蘭西藩屬

阿利未加洲之北四國曰摩羅果曰阿爾尼阿曰都尼
司曰特厘波里四國同區統而名之曰麻馬里南依大
山北濱地中海地狹而袤長東界伊揖西界阿蘭底海
計長二千里南抵阿臘特斯山北抵地中海計寬自五
六十里以至百餘里阿臘特斯山自東自西長與麻馬
里等最高之峯千有三百丈其餘小峯四五百丈均在
麻馬里之境山林深密終年積雪四國土番皆麻密種

類容貌風俗四國皆同當國勢盛時文教與額力西相等武功與意大利爭雄兼取得大呂宋之西樓島商埠雲集既強且富名著海邦何期盛衰靡常四國均爲意大里亞所滅既又爲回教之阿丹侵奪設立加里甫統轄之駐兵加爾灣悉令改從回教之馬哈墨教燬其書籍愚其耳目並隔絕他國不許往來垂二百餘年聲教掃地竟成野蠻頑蠢幾不可問後值阿丹衰弱各國始自爲主旣而阿彌尼阿都尼司特黎波里三國旋爲都魯機所滅分設總理之官在阿爾尼阿者曰尼在都尼

司者曰彌在黎波里者曰巴札、遂均爲都魯機屬國、屯兵鎮守、是時土人分三種、曰摩羅、卽都魯機之人、曰阿丹、卽回教之人、曰土番、卽山谷土著、舊人摩羅踞城邑、嗜鴉片、採取本地所產藤依法配製亦曰鴉片、阿丹之人則游牧遷徙、以

毡帳爲廬舍、其本地土番多在阿特臘斯山巖居穴處、銃獵爲生、然都魯機之兵皆無賴橫行、動輒戕官盜劫、四出、居民咸罹荼毒、惟摩羅果一部未被侵奪、謹守疆域、其王亦勤政自強、都尼司特黎波里二國近亦復國、自王惟阿爾尼、阿染都魯機之俗、專掠歐羅巴各國商

船惟被彌利堅英吉利二國之船所敗既又劫佛蘭西商船佛蘭西遂起兵擣其巢穴設兵分守然其人皆賊很難與耦居故佛蘭西之兵近亦退居海口

摩羅果國爲麻馬里極西之地在阿特臘斯大山之後幅員二十九萬方里人戶千二百萬口土沃產豐惟達非里部落較瘠其國舊通聲教後王無道遂爲阿丹所奪王旣降爲部酋愈恣昏亂所屬兵亦如禽獸垂二百餘年遂成野人近日復國仍以摩羅果爲國都新王力革汚俗政事文學日漸起色惟所行律法仍用回教且

未設議事之官、臨事倉猝裁決、並無舊章、骨肉時思篡奪、故叛謀迭見、護衛兵五千、與操防之兵、俱無紀律、田賦什而征一、牧畜二十而征一、歲得稅餉銀五百萬員、領大部落二小部落五十、

摩羅果、東界阿爾尼阿、南界沙漠、西界海、北界地中、海、領小部落二十有六、產杏仁、羊皮、象牙、蜜糖、黃蠟、樹膠、

緋司部、東界阿爾尼阿、西界摩羅果、南界阿特臘斯、山、領小部落二十有四、產大呢、地毯、綢紗、手巾、帽、

阿爾尼阿國古時謂之盧彌尼阿縱七百里橫自五十

里至百五十里戶二百萬口舊與摩羅果同俗

可證古亦屬于

馬羅迨阿丹奪國悉改回教二百餘年全失本性蠻頑

無知土尚肥美宜播種山林柏橡叢茂而習俗游惰半

多荒棄以劫奪爲生涯又爲都魯機所據設呢官以重

其事有鎮守兵萬五千隊伍皆無賴不知王法竟有殺

死呢官自擇同伍驍勇代之者土番之海寇亦自立一

王專劫海舶所獲資財半歸頭目半自裒分至千八百

十五年

嘉慶二十

始爲彌利堅英吉利船擊敗旋有佛蘭

西船被其虜劫人貨俱盡佛蘭西於千八百三十年道光年起兵擄集殲厥渠魁盡有全國設兵三萬防守其地然腹地皆阿丹種類常懷仇恨故佛蘭西之官兵近日退居港口不屯內地

阿爾尼阿東界都尼司南界沙漠西界摩羅果北界海在都尼司之東北幅員二十四萬五千方里戶口二百萬名領小部落五十有八產羊皮香料蜜蠟羊毛紗呢果實珊瑚

都尼司國

職方外紀作弗沙國

在阿爾尼阿之南東界特黎波里

南界沙漠西界阿爾尼北界地中海地勢平坦宜播種
且北隅沿海小島百餘較之阿爾尼阿疆域差小舊都
於加尼達近歐羅巴洲之南岸互市甚盛不亞於意大
里後爲阿丹奪國駐兵加爾灣都尼司二部勒改回教
盡失舊俗榛狉無知迨至千六百年明萬曆二十八年又爲都
魯機所據設彌官以理政事兵卒橫行官受挾制民罹
荼毒近日酋長遂背都魯機而自立改都于都尼司悉
除虐政與國人更始以土番頑蠢廣採才智凡歐羅巴
人稍有才識者雖微賤皆加任用立規條判曲直約束

番眾法度漸可觀幅員七萬五千方里戶二百萬口領
小部落二十有一產絨綢噀噉番

特黎波里國在摩羅果之南東界伊揖南界沙漠西界

都尼司

亦古弗沙國境

北界地中海域內多山惟北隅沃壤然

所產不贍於食仰資鄰國其人先受愚於阿丹之回教
嗣受虐於都魯機駐防之兵後有巴札曰哈彌者設謀
備宴邀其兵目三百會飲伏壯士禽縛誅之并盡屠其
兵黨即自立爲王仍都於特黎波里都魯機衰弱不能
征討從茲不屬都魯機哈彌約束部卒除虐蘇因招徠

歐羅巴技藝之人教導土番近日之王寬厚儉節通好
各國外攬賓客內化愚頑較摩羅果等國政事尤整飭
領大部落二小部落三十有三幅員二十一萬五千方
里戶百萬口有奇

特黎波里東界伊揖南界菲山西界都尼司北界海
領小部落二十四產呢紗地毯橄欖金沙象牙

菲山北界特黎波里東南西界沙漠在特黎波里之
南領小部落九

重輯

原無
今補

職方外紀曰阨人多近地中海一帶爲馬羅可國

卽摩羅果

國與弗沙國

卽都尼司國

馬羅可地分七道出獸皮羊皮極

珍美蜜最多國人以蜜爲糧其俗最以冠爲重非貴人

老人不得加冠于首僅以尺布蔽頂而已弗沙地分七

道都城之大爲利未亞之最宮室殿宇極其華整高大

有一殿周圍三里開三十門夜則燃燈九百盞國人亦

略識理義阨人多之西爲亞非利加地最肥饒易生一

麥嘗秀三百四十一穗西土稱爲天下之倉馬邏可之

南有國名奴米弟亞

卽南阿未利加土番

人性獐惡不可教誨有

果樹如棗可食其地有小利未亞乏水泉又千里無江海行旅過者須備兼旬之水

萬國地里全圖集曰亞非地中海邊各地古時歸羅馬國爲藩屬嗣後蠻夷侵之而東方回回又侵其地然其居民勁悍專在地中海劫商船三百年來驚害各國故佛蘭西起水師渡海以討其罪而取其邦其地名亞利額居民三百萬人佛軍奮威交戰大敗回回人自後設兵駐防賦額悉準經制其回回族暫退沙野心懷仇怨不時飛馬而出挺戟攻擊故佛國終年嚴兵防堵保障

封疆國費最耗，然佛國誓服蠻夷，終不肯棄其地也。○吐匿回回在海邊，長三百里，有十萬丁，卻已向化，織布經理安分，每年運麥穀橄欖油入市。○特利破里在沙漠中間，四圍沙漠，狂風四起，道路崎嶇，此內居民皆以駝駝遊牧，剽掠爲生，馬落可國西北山地較廣，居民六百萬，地出蠟藥材南果，昔時其國兵船四海劫掠，獲人卽行囚禁，使服回教，今已挫其銳氣，不敢出海也。至居民之規矩風俗，守其回教，執迷不悟，非崇其教者，不論何國視之，若仇，憚勤勞，好遊蕩，其衣以寬布纏身，首戴

紅帽以巾裹頭腰插刀劍烏鎗嚴氣端容安坐不動雖
不飲酒食鴉片者亦食麻葉如煙可醉嚴防閨闈不許
出門出則蒙帕惟露其眼其女以肥爲美盡避靜幽度
日無事所讀之書稱爲天經禁食豕肉飲酒通商不廣
銀錢罕得男好騎射藝皆精熟

地里備考曰北州地屬佛蘭西兼攝者四國一馬羅各
國在亞非里加州之西北北極出地二十七度起至三
十五度止經線自西二度起至十四度止東至亞爾日
耳國西枕亞德蘭的海南連薩阿拉沙漠北界地中海

南北相距二千五百里，地面積方四十六萬七千七百七十里，煙戶六兆餘口。地勢由西南而東北，亞德拉斯山橫亘其中，砂磧居多，田少而腴，饒穀果蕃，駝馬土產銅鐵錫蠟，窩宅繇花，熟皮木料等物。河之長者曰木祿亞，餘河次之。四季溫，和夏季酷熱，海風解之，沙漠蒸氣峻嶺蔽之。汗位相傳，人奉回教，國分六部：一馬羅各，一非斯，一蘇斯，一達拉合，一達非勒，一西日美塞。國都昔在馬羅各，今則遷於非斯部。其貿易尤盛者，乃馬羅各部之磨加多爾城也。土人與天方國人貿易，皆結隊而

行

亞爾日耳國在亞非里加州之北其國土在北極出地三十二度起至三十七度止經線自東七度五十分起至西四度三十分止東至都尼斯國西連馬羅各國南接薩阿拉沙漠北界地中海長二千一百五十里寬一千八百里地面積方二十四萬九千三百里煙戶二兆五億餘口岡陵絡繹東南尤甚峯巒參天冰雪凝積沿海陡坡險峻不易登臨河之長者曰支里弗曰瓦低日的田土極腴人情耕種沙漠遼闊土產金銀鐵錫礬礪

珊瑚等物地氣溫和人安物阜惟多地震之患國無君
長昔歸土耳其亞國兼攝今屬佛蘭西國統轄奉回教
少技藝鮮貿易國分六部曰亞日爾曰岡士丹的納曰
馬斯加拉曰的德利曰薩布曰卑北耳其都城在亞日
耳建於山坡之上樓臺峻疊風景相稱其通商衝繁之
地一西的非盧至一薩爾日一德內斯一摩斯達科寧
一布日亞一波科那一岡士丹的納

都尼斯國在亞非里加州之北北極出地三十二度起
至三十六度三十分止經線自東五度起至九度止東

至的黎布里國、西連亞日耳國、南接沙漠、北界地中海、長千五百里、寬八百里、地面積方五萬五千五百六十里、烟戶二兆八億口、少岡陵、多沙漠、河濱膏腴、餘地焦燥、沿海島、滷河之長者曰美日爾達湖、之大者名曰盧德亞、土產銀、銅、錫、蠟、水銀、滷砂等物、獅、象、猴、獐、山狗、野貓、結隊成羣、地氣溼熱、人物富庶、王由眾舉、而請命於土耳其國、奉回教、少技藝、然在此州、尙爲禮義之邦、南賈輻輳、內地尤盛、亦結隊而行、國分二部、一的里幾亞、一達拉幾斯、都城建於湖濱、高阜、街狹、屋卑、惟宮殿廟

堂頗峻麗其通商多在海濱

一的黎布裏國在亞非里加州之北北極出地二十四度起至三十四度止經線自東六度三十分起至二十六度三十五分止東至厄日度國西連都尼斯國南接薩阿拉沙漠北界地中海長四千里寬二千五百里地面積方二十五萬里烟戶二兆五億餘口少山陵多沙漠其的內河貫徹於中地甚膏腴產穀果皮羽蠟縣花硫磺滑石丹參金沙山禽野獸蕃衍成羣尤多猛獸毒蟲晝暑夜寒王位相傳仍請命於土耳其國奉回教少

技藝貿易結隊而行國分四部一的黎布里一巴爾加
一非山一亞達美都城建於海濱屋宇壯麗街道闊直
五方輻輳其通商衝繁之地一名勒波達一名美蘇拉
達一名奔加西一名達爾內

地里備考曰北州之地隸大呂宋國兼攝者一修達國
在馬羅各國日巴拉大海峽之東北金城湯池烟戶八
千餘口泊所不穩貿易甚微一北農的威勒斯一亞慮
塞馬斯一美黎辣皆城池堅固一加那里亞斯其亞德
蘭的海之西北有島二十其大者曰德內里島溼熱礪

瘠樹林稠密產酒果饴蜜黍麥豆薯絲材木泊所穩便
貿易繁盛其巴爾馬城在加那里亞島中田土膏腴德
幾塞城在蘭塞羅德島中有火山

外國史略曰亞非利加州北方延地中海曰巴八里北
極出地自二十八度至三十六度偏西自十一度三十
分偏東及二十七度十二分闊千餘里長六千六百里
西有高山連及地中海土平坦少樹木藉井灌田沙鹵
難耕

一曰馬鹿國亦作馬羅可本州極西北之地廣袤方圓

萬三千里居民八千五十萬口南及曠野北及地中海
危押達海峽東及大西洋海口連佛蘭西國山嶺連延
極高者千二百丈內地膏腴多螞蚱害稻海邊沙地亦
出五穀杏仁棗油樹膏亦有礦出金銀銅鐵民多摩羅
人與亞拉國之回族猶太國之農夫皆西班牙驅來此
地人多黑面奉回回教與天主教之徒戰故西班牙人
見卽虜之爲奴或被巡海船劫賣爲奴近始禁止地產
皮裘而無布民好牧牛羊不務農馬駿而少故價昂駝
高有力每年載出土物約二萬駝而運入金沙駝鳥翎

象牙奴婢皆與亞拉回人及印度人由海通商價銀約二百萬圓地中海兩港口大西洋海濱三口遇西洋船至約束甚嚴且回教輕傲外國故貿易不興國分三大部一馬鹿二非士三他非勒又分各小部南邊尚有土酋自據小地○此國自操全權政令甚酷草芥百姓奴視臣下上命是聽下不敢怨無議事之官國王任意出令無敢諫者各部設總兵稅賦官每年收餉約四百萬員內三十三萬圓爲各西國商船所給以免馬鹿海賊之擾軍士萬五千雙桅師船二戰艦十四各地炮臺二

十四英人昔據其北海一邑旋卽棄之今惟佛蘭西國
尙據海口數城以爲防禦其都城曰非士城居民八千
曰米貴城居民五千曰馬鹿城居民三萬此皆國主所
駐在高山之下其君安逸生子與民養之十二歲乃回
宮

一佛蘭西藩屬地曰押額國一作阿爾尼一作亞爾日
其疆域南及曠野北及地中海東連馬鹿西接土匿廣
袤方圓四千二百里古時此地極盛商周間猶太國氓
所開墾也漢時爲羅馬軍所攻服越六百年遂自立國

嗣後亞拉回回據是地晉高祖天福元年有霸王創基
驅西班牙及摩羅之兵於此地立國垂數百年自明正
德以來及道光十年賊匪屢掠商船戮殺殘虐英吉利
荷蘭西班牙佛蘭西等國迭轟其炮臺壞城燒船仍爲
海盜肆劫如故佛國因調大軍攻擊賊巢遂據其國民
多遊牧結黨抗違殺掠佛兵佛國再調兵深入沙地糜
餉勞師數年仍肆焚掠道光二十四年與馬鹿一戰獲
大勝海盜乃戰慄佛國設將軍鎮守是國其守護兵士
七萬帑費重大惟管其城池其郊外之遊牧仍不順也

產物惟聚佛國招集外氓來墾但畏亞拉不敢耕其田
此地昔分四部今佛國所據者一押額城周十里北極
出三十度四十七分偏東三度四分居民二萬三千餘
自佛兵據後回教他徙一阿蘭城周二十里居民昔屬
是班亞今順佛國命貿易一破那城及君士旦古城距
亞額東六十五里居民二萬特米新邑居民一萬○山
南地皆遊牧不歸佛國管束惟商賈深入曠野與遊牧
貿易

一曰土匿國亦作都尼司其域南及曠野北及地中海

東連地陂里西與押額交界廣袤方圓三千四百里居民三百萬南方沙地多磽西方田肥土茂多嘉果葡萄尤美五穀蔬菜亦饒驢馬尤健歲出牛皮十萬張羊毛二萬石海邊珊瑚甚多漁舟百六十隻其民向爲海盜擾地中海道光元年佛國軍強平之海賊盡斂土耳其基國舊在此操權軍士向多土耳其人土耳其舊都距海十二里屋卑街狹居民十三萬改文邑居民五萬城內回回廟極壯加他俄城亦繁華歷二千年今廢不興每年餉三千萬圓兵士約一萬五千

一曰地陂里國一作特厘波里一作的黎布里在土匿之東乃沙野也廣袤方圓八千里居民百五十萬半爲賊地雖廣大多沙無水少物產猶太人曾此貿易後土耳其基國調兵帥管之約兵萬五千大戰船一小戰艇十六國人本皆海盜今佛蘭西平之都城民二萬五千附近多古蹟

瀛環志略曰泰西人記非尼西亞故事曰非尼西亞古商賈國夏以前西土人閉戶削跡耕田鑿井俯仰自足老死不相往來不見可欲其心不動有夏中葉智者創

舟車賁遷有無居積財貨以此致富西土名其人曰非

尼西亞譯言客商也始居於巴尼斯的納海濱後有立

國於希臘者曰德巴斯

詳希臘圖說

希臘隘不能容周厲王

十年有遷於地中海之南岸者定都城於士羅

即今突尼斯地

更國名曰加爾達額

一作加其大

時地中海南岸荒穢未辟

人戶稀疏非尼西亞人出其貨財建城邑立市廛墾田

野四方無業之民羣往歸之益治舟楫流通百貨地中

海南北兩岸利權大半歸其掌握復跨海辟西班牙建

爲藩部國富兵強一時無抗顏行者越數十年而意大

里之羅馬與羅馬初興甚微弱且不習兵事加爾達額

視之蔑如地中海有二大島曰哥爾塞牙

一作可耳西加又作郭土

喀曰薩丁

一作沙力尼阿又作撒地尼又作撒下

皆附近羅馬加爾達額

據之以逼羅馬羅馬不敢爭又西治里島

一作西基利又作西西里

亞與羅馬南境相接本屬羅馬加爾達額以兵力強奪

之羅馬亦不能取由是益驕周顯王年間額力西之馬

基頓王亞勒散得以大兵伐波斯遊兵至加爾達額攻

破土羅屠八千人國幾亡從此聲威頓削而羅馬日益

強先是羅馬習陸攻不習水戰加爾達額勝則進攻失

利則張帆颺去羅馬無奈何加爾達額有戰艦穿漏拋泊海岸羅馬得之倣其式三月而造成百艘有義略都者講求駕駛之法簡勁卒練爲水軍往來海道日益嫻熟由是與加爾達額爲勍敵加爾達額嘗侵羅馬虜其將勒孤羅檻送羅馬營請易俘囚羅馬帥惜其才將許之勒孤羅張目叱之曰亡羅馬者諸君也山戰被俘本國從無救贖之例乃欲以一人壞國法耶毅然反敵營大罵而死羅馬軍人人雪涕勇氣百倍加爾達額敗績遁去遂奪回三大島加爾達額有夙將阿彌利加與羅

馬血戰數十年，稱爲能軍。有子曰漢尼巴。一作阿幼敏

慧嘗詢父以兵法，父戲之曰：爾能矢志滅羅馬，當授爾

漢尼巴，卽設誓於入必德爾之前。

古時各國所奉宗祠之神，未詳何時人。

阿彌利加悉以韜略授之。漢尼巴旣長，謀勇過之，伐羅

馬屢奏捷。年二十五，拜爲大帥，合西班牙之兵，大舉伐

羅馬，登舟慷慨，酹酒海中曰：不滅大敵，有如此水，師抵

羅馬南境，破其邊城，乘勝急攻，銳不可遏。羅馬四戰四

北，南境諸城皆陷，遂渡厄伯落河，越比勒鈕阿比斯峻

嶺，長驅直進，勢如風雨。羅馬屬部西拉古薩亦叛，附加

爾達額羅馬大震羅馬大帥發比約馬西摩與眾謀曰
虜氣方盛難與爭鋒客兵利速戰宜堅壘以老其師而
別以奇兵襲其後乃閉城拒守爲卑辭以緩攻而遣別
將馬爾塞羅收復古西薩拉城因伏兵邀其歸路又遣
西比揚潛以舟師渡海襲其國都漢尼巴方與羅馬軍
相持日久食垂盡聞都城警報急引兵回救發比約馬
西摩率勁兵潛躡之而馬爾塞羅伏奇兵突出邀擊漢
尼巴前後受敵兵大潰死傷山積棄輜重登舟急發西
比揚偵其將至率舟師邀截於海中焚斬殆盡漢尼巴

以單舸遁乞援於西里亞

一作西利亞

西里亞者亞細亞大

國時希臘諸部爲羅馬所困亦求救於西里亞西里亞

王帥師救希臘爲羅馬所敗狼狽東走羅馬軍踵至圍

攻西里亞破之漢尼巴仰藥死希臘諸國皆降於羅馬

由是加爾達額孤立無援屬部多離畔自知亡在旦夕

願以夙稱大國恥於納款漢景帝十年羅馬以大兵伐

加爾達額圍土羅都城土羅堅守不下截婦女髮爲弓

弦羅馬軍死者千餘羅馬有大將冒矢石進攻城將陷

加爾達額闔城舉火自焚羅馬毀其城爲平地因分兵

略定海南諸部復回兵急征西班牙西班牙亦降非尼西亞遂亡

[illegible]

南阿利未加洲各國

南阿利未加三面濱海一面界斯溜墨爾大山華語雪山也山自西而東與海岸齊長峯高千仞四時積雪南阿未里加諸山無出其右地分三國山之南曰兀賀峽今屬英吉利山之北曰磨舒阿那山之東曰加付臘厘河二者亦各有王土人有六種一英吉利一荷蘭一和鼎圖一磨舒阿那一加付臘厘河一摩耶斯滿六種中惟摩耶斯滿居於斯溜墨爾山谷中無頭目類野人其河皆發源斯溜墨爾山其南爲岡都斯河南流由蘇加

部落出海東則額利罪矢河東南流由麻哈爾斯出海
北則阿蘭泊河環繞山麓轉厯正西曠野而注之海其
加富臘厘阿之地尙有數河未詳源委

果羅里東界加富臘厘阿南西俱界海北界斯溜墨爾
山山斗出海中時有迴風舟行危險本名曰阿付丹北
司峽華言暴風山也嗣西洋改其名曰兀賀峽言山峽
情景可觀源案東方語先能後所西方語先所後能如
飲酒曰酒飲登山曰山登故不曰兀賀峽而
日峽兀峽長五百八十里廣二百餘里平蕪半沙石無
賀也青草依山濱海夾岸茂林大田多稼峽達稔其首部也

此亦當云達稔依峽建城始自荷蘭先得因里阿海岸

峽西洋語倒耳

知此地堪爲市埠於千六百五十年

順治七年

創築峽達稔

設官鎮守增戶授田商船輻輳始成樂土英吉利於千

七百九十五年

乾隆十年

率師爭奪荷蘭以兵拒退之不

數載英兵復至連戰竟奪峽地土人三種一英吉利一

荷蘭一和鼎圖英人多居峽達稔近關地於額利非駛

河之左右歲被水潦舍田業商已成市鎮荷蘭人分處

四鄉田地寬闊爭界請丈啓訟行賄其官徇情偏斷專

嗜膏粱凡農事牧畜委諸和鼎矣故爭訟不息東近斯

溜墨爾山兼練武事以防摩耶斯渴野番故此方荷蘭
素稱趨勇和鼎突卽果羅里之士番服役于荷蘭半奴
半佃不辭力作人將死先攫其臟腑燎炙而食疾走善
射能逐奔獸以硝皮織席造弓鑄刀爲業喜歌舞不信
教門領小部落七十九幅員十二萬方里戶十五萬口
其首部曰峽達稔爲歐羅巴人流寓之所背倚特步爾
山高三百五十八丈其峽東西通衢產酒沉香牛羊獅
豹之皮牛角象牙獨角獸牙

原本無
部落

莫舒阿那國又名彌珠阿那東界加付臘里阿西界曠

野南界斯溜墨爾山北界馬路魯司在果羅里與斯溜
墨爾山之北其首部曰古里查尼城卽國都也宏麗甲
於阿未里加洲風俗半農半牧技藝精巧廬舍內木外
土雕刻彩飾外圍石垣爲牧畜之所女司耕男司牧惟
王及酋長之妻妾始免勞役服長衣飾以毛羽珊瑚珠
寶厚待外國而與鄉鄰動輒爭鬪不死不休兼以劫掠
爲生故不敢散處惟聚居城郭與附郭之村莊也土人
見王無貴賤之分席地坐談以煙爲酬酢頭目臨陣以
獸皮蔽兩臂手持籐牌及箭餘皆赤體交鋒俗佻健嗜

歌舞禦人以口給領小部落三十八產銅鐵皮

嘉富臈里在霏濶墨爾山之東南界果羅里北界尼臘
俄阿東界海西界莫舒阿那自海濱至此約二三百里
餘界里數未考土番有數種曰丹母幾曰蘇臘司曰和
倫頓氏司狀修偉膚紫色女番差卑小略似歐羅巴惟
眼黑而光較有神俗無定處不耕種以游牧爲業惟丹
母幾與鄰近果羅里一種尙能傾銀鎔鐵若蘇臘斯和
倫頓底斯兩種惟多膂力無他技也其王之加常札畜
壯兵萬五千倘遇警急則有少年兵十萬故爲鄰國所

畏原本無
今補

摩耶斯滿山番本和鼎突種類居於斯溜墨爾山谷有
如野獸不耕種專畋獵登山驚澗如飛見人卽殺尤喜
歌舞星月之夜嘯躍達旦春秋佳日歌舞徹數晝夜原本
無部
落

重輯原本無
今補

新唐書曰自蕤林西南度嶺積二千里有國曰磨鄰曰
老勃薩其人黑而性悍地瘴癘無草木五穀飼馬以稿
魚人食鵲莽波斯棗也不恥烝報于夷狄最盛號曰尋

其君臣七日一休不出納交易飲以窮夜

案利未亞各島鬼國見史

者始於此

職方外紀曰更有一種在利未亞之南名馬拿莫大巴

者國土最多皆愚蠢

即山牙臘土蠻見阿邁司尼國志中

氣候甚熱沿海

皆沙人踐之即成瘡痍黑人坐卧其中晏然無恙也喜

食象肉亦食人市中有市人肉處皆生齕之故齒皆銼

銳若犬牙然奔走疾於馳馬裸身塗膏氣羶甚無文字

初歐邏巴人到此黑人見其誦經講書大相驚訝以爲

書中有言語可傳達也地無兵刃惟以木爲標鎗火炙

其末極銛利、性不知憂慮、若鳥獸然、聞簫管琴瑟諸樂、音便起舞不休、性樸實耐久、教之爲善事、亦卽盡力爲之、爲人奴極忠用力、視死如歸、遇敵直前、了無避畏、其俗不虜掠、不崇魔像、亦知天地有主、但視其王若神靈、亦以爲天地之主、凡陰晴旱澇、皆往祈之、王若偶一噴涕、舉朝皆高聲應諾、又舉國皆高聲應諾、大可笑也、喜飲酒易醉、所產雞亦皆黑、獨豕肉味美、爲天下第一、病者食之亦無害、產象極大、一牙有重二百斤者、又有獸如猫、名亞爾加里亞、尾後有汗極香、黑人穿於木籠中、

汗沾于木、乾之以刀削下、便爲奇香。烏木、黃金最多。地無寸鐵、特貴重之。布帛喜紅色、斑色及玻璃器。又善浮水。他國名爲海鬼。其亞昆心域屬國。有名諳哥得者、夜食不晝食、又止一餐、絕不再食。以鹽鐵爲幣。又一種人名步冬、頗知學問、重書籍、善歌舞。亦亞昆心域之類也。利未亞之南、有井巴番者、衆十餘萬、極勇猛、善用兵、無定居、以馬及駱駝乘載遷徙、所至卽食其人及鳥獸蟲蛇、必生命盡絕。乃轉他國、爲南方諸小國之大害。

海國聞見錄。烏鬼國東北山與阿黎米亞相聯、向西南。

生出坤申方大洋何啻四五國之遠其盡處曰呷卽中國支山入海盡處曰表表者標也佛蘭西曰呷英機黎曰岌皆順毛烏鬼地是以紅毛甲板船從小西洋來中國者由亞齊之北麻喇甲之南穿海過柔佛出茶盤而至崑崙自呷而東至戈什塔自戈什塔而東至亞齊其海皆呼曰小西洋原本戈什塔當作戈什峽又西南洋稱小西洋亦誤蓋利未亞洲方爲小西人黑白不同皆西域裝束長衫大領小袖裹頭纏腰國富庶產寶器生銀洋布丁香肉果水安息吧喇沙末油蘇合油等類以金爲幣鑽石爲寶

源案此所謂呷者指暹羅南境之新嘉坡而言計西南洋中新嘉坡爲第一峽南印度戈什喀爲第二峽利未亞之大浪峯爲第三峽凡地之斗出海中甚長如登萊類者所謂峽也呷喀皆卽峽之別字又案賽馬爾罕者元時封藩統轄葱嶺以西各國至明中葉賽馬爾罕已分十餘國不盡爲所屬矣近日更全變爲回國若敖罕若布哈爾若愛烏罕若巴達克山若克什米爾等凡十餘國而聞見錄猶以古時賽馬爾罕統稱之誤矣至又以賽馬爾罕爲噶爾旦之國則誤中又誤矣謂俄羅斯國惟限于西洋而其與中國相首尾之東北萬里概置不提皆疏舛之尤者書作于雍正判于乾隆八年在新疆未服以前故傳聞遙揣舉一漏百故刪節而辯正之於此

海錄妙里士島西南海中島嶼也周圍數百里爲佛郎機所轄凡大西洋各國船回祖家必南行經葛刺巴至

地問然後轉西少北行約一月可到此山無土人其所
居皆佛郎機及所用烏鬼奴土產烏木由此向北少西
行約半月有奇謂之過峽一路風日晦冥波濤洶怒寒
雪飄零六月不息舟人戰慄咸有戒心其天氣與妙哩
上迴別過峽後至一島謂之峽山爲荷蘭所轄天復炎
熱但海闊風狂波浪騰湧舟行經此遇風過猛必須稍
待風和而行山亦無土人唯荷蘭及鬼奴居之士產梨
及牛黃有大鳥莫知其名其卵大數寸由此更北行少
西順風約七八日復至一島名散爹里周圍約百里爲

英吉利來往泊船取水之地無土產有英吉利兵在此

鎮守

源案此峽即坤輿圖之大浪山在利未亞州極南境

又曰鬖毛烏鬼國在妙里士正西由妙里士西行約一月可至疆域不知所極大小百有餘國民人蠢愚色黑如漆髮皆鬖生其麻沙密紀國生那國加補五輦國皆爲蒲萄亞所奪又嘗掠其民販賣各國爲奴婢其土產五穀象牙犀角海馬牙橙西瓜

海島逸志曰鴿島在西北之隅和蘭甲板船數十隻歲往通其祖家必由此地停泊更換舟工水手裝下伙食

然後再駛，蓋其地當半途之間，華人在巴，有受其傭雇
爲舟人者，至此地必更和蘭人、華人暫處於此，配船而
還巴，不令往其祖家。然甲板船來往，相傳來三去五，其
來風水爲順，只有三月往，則水逆道紆，當須五月。又云
將至之處，有暗海不見日月，舟行二三日始出，蓋天地
之大，有不可思議者矣。卽所謂大浪峯也，爲小西洋利
未亞極南之峽，凡船回大西洋
者，過此
日過峽

萬國地里全圖集曰：南亞非利加地爲西洋人巡船來
往，故知其形勢。其山麓深入海中，各船赴印度、中國必

繞之而駛是以船隻往來不絕其南方豐盛樹木花果千態萬狀其牧場廣延五畜肥長五穀亦運出售賣又種葡萄樹出甘酒雨後溪山蒼秀旱則沙漠不毛其北方沙漠風起時陰雲四合黑氣滿空在此地虎獅象兕馬鹿以及駝鳥濯濯自在又有黑面土蠻穴居獵獸而食其東方之類則四肢百骸相稱赳武勇敢葡萄牙船初到此地荷蘭見其形勢合宜故涉重洋而開埔頭墾田務農且海風甚狂浪疊千層必得購料修船之地是以荷國將本民移處內地驅逐土人或擒爲奴嘉慶十

年英兵船攻取此地其城在南海邊高山之下其居民大半荷蘭人晝夜經營各江澗河之處皆建鄉里但散處不相聯屬多隔沙野難渡又牛車多渴死故英開新地在東界也每與其氓交鋒相仇其地袤延四方幾萬里但居民六十萬而已運入運出貨物每年銀百萬有餘兩別開海口奉耶蘇之教師進其內地以教化之又西海中有一孤島嘉慶年間俘佛蘭西王拿破侖流諸此島

地里備考曰本州地爲英國兼攝者一爲好望海角卽

兀賀峽一名大浪山乃本州之要害也在亞非里加州之極南緯度自南十度起至三十五度止經度自東十六度起至二十六度十分止東至加弗勒里亞國西枕亞德蘭的海南接南海北連可丁多的亞國長約二千里寬約一千里分二部十二府首城名加布建於達勒暨良二山之麓屋宇廟堂甚壯五方輻輳地氣溫和海口險阻泊所不穩爲歐羅巴往來亞細亞船必經之路多於此採辦水米食物焉。一爲塞拉勒窩內地在本州之西幾內亞國之中少稼穡多山岡林木猛獸成羣

地氣不和弗便居棲商旅每易中病貿易多結隊而行
首郡名非里城設有總管衙門附近皆受管轄。一爲
哥斯達斗羅卽金濱也金砂豐盛因以爲名田土膾腴
產穀果金石藤花藍靛樹膠白蠟皮革貿易昌熾地氣
酷熱首部名加布哥爾蘇設有總管衙門。一爲三達
厄勒那島在亞德蘭的海西南緯度自赤道而南十五
度五十五分經度自第一午線而西八度九分長四十
里寬二十五里地面積方九十里多山少平原地氣溫
和海濱尤瘠內地膾腴首郡名曰彌斯城設有管理衙

門此島實爲有名之處佛蘭西國君那波良者殞命於此詳見佛蘭西國志附近各島皆屬管轄。一爲毛里西亞島在印度海東南緯度自赤道而南二十度起至二十一度止經度自第一午線而東五十六度起至五十七度止迴環約五百里地氣熾烈尙可棲居田土膏腴首部名波爾多盧義斯設有總理衙門其塞舌勒共三十島亞爾密蘭德共十一島皆屬管轄

外國史略曰此州極南方爲大浪山英吉利藩屬地也長約二千里闊一千里海濱周四百里背山沿海平坦

內地漸高其谷廣延離海愈遠愈多砂磧無草木產白
礬鉛銀惟石鹽頗盛最南天氣清爽內地晝暑夜寒高
野陽亢或三年無雨人至暍死及一雨則又山野青葱
異常花草奇麗產牲畜五穀葡萄羊毛羊油沉香象牙
駝翎樹膏等民不農而游牧乳油爲食射獵爲業半係
荷蘭人耐寒暑性樸實厚待旅客好遊曠野常有數千
人出界圍獵與土族戰鬥佛蘭西人在此植葡萄所遷
之英氓在港口東邊開墾土人曰合丁突形汚性馴不
似林中野蠻人形獸心亦不似東邊之加非利蘇拉等

族賊盜爲業也。○葡萄牙人於明弘治間至此海峽以爲赴五印度國海路之標準風狂浪大故稱曰大浪山往來之船在此汲水采果歷久水中堆成磧路荷蘭於順治八年開埠據之乾隆以後英人據焉至今民益繁境益闢廣袤五千四百里居民十四萬四千大半荒野無可耕地分東西兩部部各分邑埠在峽口曰浪山邑居民二萬街衢甚美兩旁高樹英官住焉餘與鄉里無異居民方半崇耶蘇教荷英日佛四國教師皆赴此教化土蠻故奉教之人日增道光十四五年各國進口船

共三百五十八隻，運出口三百五十隻，所運進貨計百六十二萬兩，所運出貨百有八萬兩，稅餉七萬兩，除浪山海峽外，尚有押拔亞海口進出之貨約百二十萬兩，羊豕約三百餘萬隻，鷄鴨價約三十萬兩，總計萬二千二百萬有奇，屋宇田畝牧場各價四千八十萬兩。○昔時西洋船必半年有餘，方能抵印度，故以此爲中途要地，近日航海慣習，加以火輪，其迅如風，浪山海口無大用，況土蠻爭鬪，糜餉勞兵，英國調兵帥護守，亦以土人及荷蘭之游牧爲民壯，尙立土司以管理各部，道光十

六年所入國帑共四十七萬四千兩所費者五十四萬二千兩入不敷出惟師船在亞非利加各海來去巡駛以禁販賣黑奴之船及海賊之船故準不可廢焉

地里備考曰南州地隸英吉利者一隸布路亞國兼攝者二其自主者四其隸布路亞者曰昂可拉國在本州西南公額國內東界馬稜巴河西枕亞德蘭的海南連奔吉利北接丹達河地勢嶄巖叢林稠密山谷平原皆飲沃河之長者曰里弗內曰丹達曰本各地氣酷熱海風清涼產金銀銅鐵各礦國分四部一幾達馬一送比

一敦比一可完多首部建於羅安達島設有總管衙門
又有分出之奔給拉國東界沙漠西枕亞德蘭的海南
接星卑巴地北連昂給拉天時土產與昂可拉國相仿
而皆遜之設有總兵官管攝仍受昂可拉總管節制

一曰莫山比給國在州東南內有七處爲布路亞國兼
攝一給林卑一莫山比吉設有總管衙門一幾里馬內
一塞那一索發拉一義能巴內一羅林索馬爾給斯各
派總兵官一員鎮守皆受莫山比吉總管節制統計烟
戶幾二萬口地氣不馴田沃產饒貿易較昔冷淡其莫

山比給本國在亞非里加州之東南南極出地十度起至二十五度止經線自東二十六度起至三十八度止東枕印度海暨海岔西界盧巴達山南接加弗勒里國北連桑給巴爾國長約四千四百里寬約一千里地面積方四十六萬里烟戶三兆餘口多山林蕃野象田土膾腴金礦甚多金砂滿岸地氣不和苦於棲止有諸酋分攝者有布路亞國管轄者紛紛不一其諸酋分攝者如馬古阿蒙如木新卑等處仍貢於布路亞所奉之教或耶蘇或回回趨向不同技藝寥寥貿易頗盛國都建

於海島有布路亞國總管駐劄其地

其自主之國四一曰麼諾達巴國在亞非里加州之東南南極出地十五度起至十九度止經線自東二十七度起至三十一度止東界蒙素拉河西南接佛瓦拉山北枕桑卑塞河長寬皆約千里嶄巖嵯峨江河不一其大者曰桑卑塞曰馬加拉曰蒙素拉曰盧安薩沿河膏腴產金鐵象牙甘蔗樹膠等地氣熾烈人民黧黑昔日汗位歷代相傳迨賊寇猖獗之後列君分據不相統屬伎藝貿易俱乏各部惟麼加郎瓜最强

一曰加弗勒里國在亞非里加州之南南極出地二十三度二十分起至三十三度三十分止經線自東二十四度二十分起至三十一度三十分止東枕印度海西連可丁多的國西南接加布地東北界麼諾達巴國長約四千里寬約一千里地面積方八十四萬里烟戶二兆餘口東方重山餘多沙漠河之大者馬弗麼那巴加納波阿喪等皆流於南方是爲本國之界土產金銀銅鐵石類珊瑚琥珀等物地氣甚熱列酋分據各爲部落不相統屬技藝貿易俱乏惟以稼穡爲業各部惟二部

居海濱餘皆住內地

一曰馬達加斯國在亞非里加州之東南南極出地十二度十分起至二十六度止經線自東四十三度起至四十九度止四面枕海南北相距約三千八百里東西相去約一千里幅員八千里地面積方二十五萬里烟戶二兆餘口懸崖疊嶺瀑布飛流林密谷敞平原坦闊形勢實爲壯觀由南而北山陵縣亘江河眾多貫徹沃潤其長者曰麼隆達瓦曰達爾慕德發源西岡東注於莫山鼻給海盆其海濱澤潚瘴癘熾烈中人每易感病

田肥穀饒各獸充斥惟少獅虎象馬產絲麻蜜蠟竹木
甘蔗樹膠青黛烟葉白胡椒沙穀米又有五金之礦寶
石水晶徧山多有而土人惟鐵是采奉回教少技藝而
貿易豐盛通國部落紛紛不一諸酋分據不相統屬
一曰科丁多的國在亞非里加州之南南極出地二十
三度起至三十二度止經線自東十三度起至二十五
度止東至加發拉里地西接亞德蘭的海南連加布地
北界星卑巴西國長約二千五百里寬約二千二百里
地面積方二十八萬里烟戶四億餘口南北崇山中央

沙漠沿海低陷時有颶風河之長者名曰科蘭日由東而西河濱膏腴饒物產地氣溫 and 人物咸宜諸酋分擲各爲部落曰哥拉那曰那馬瓜曰達馬拉曰布魯阿那曰波支斯曼名目不一以牧養爲業怠於稼穡亦少工商

外國史略曰南亞非利加西邊地半屬土蠻半屬葡萄亞國其屬土酋者一曰下危尼廣袤四千里未詳其內地恆旱少雨露硫磺之氣蒸爲烟瘴河流紛歧海口淤塞有販賣人口之市曰南峨○一曰羅安峨多有各國

族類河多魚多野獸物產豐而民憚工作故地荒蕪除
豕外無他畜○一曰公峨在海邊甚低多澤瀦內地
山高賽利河流廣而漫居民極蠻醜○一曰安義拉皆
山地居民形體端正絕異黑人之醜物產蕃盛明朝年
間葡萄亞國在此開埠廣立法度百姓有進天主教者
○一曰賓吳拉地瀕海自南極九度延及十六度密林
高樹其土豐盛民蠻好殺食人肉

南州邊地自死門東向海濱延二百里斗出海中爲勝
重海峽居民多茅里族類黑面未向化海口曰巴拉運

出加非樹膏沒藥駝鳥翎金沙通商亦旺未詳其內地
自勝重峽之西曰亞安曰散西曰貴羅亞等地皆天方
亞拉國所轄其內地未詳港口曰馬牙多撒南極出二
度一分偏東四十五度十九分散西巴通商最重歲納
稅餉銀九萬兩運出五穀白餉此皆土酋自主之地也
○此外摩散比地半歸葡萄牙亞所轄散比西河廣且長
都會曰善那曰摩散比邑昔爲通商大市今衰邑徧小
距此三里節蠻族多瘴未屬其國管轄山內產金沙等
物有冒險之商務通亞非利加之路每中途染疫斃或

被土蠻殺害或失路死亡無人成就其志故內地情事
無可考

又曰黑面人地在曠野之南偏西自十七度及偏東五
十度北極出地自一十七度東西千里南北三百餘里
東西皆山內有大湖其源甚長西流多支漫將入海匯
爲澤其湖長約六十里偏東十五度瀕海地低箐密不
見日樹木倒則霉壞烟瘴寶甚內地曠坦多水草自四
月及九月雷電交作大雨滂沱冬多風仍吹熱氣皺人
皮膚若連數日其害尤甚四海無此炎酷也民情故荒

蕪草有高三丈者、產樹膏、安息香及各香料、絲花、甘蔗、
黛青、自然面生、不待人力、山象、水馬、均高大、性猛、多猿、
有慧絕似人者、水蕃昆蟲、鱷魚、大力、語音風俗皆異、
鼻扁、脣高、膚黝、身短而健、北地之黑人、崇回回教、其內
地亦拜偶像、殺人以敬神、近日頗知耶蘇教、

瀛寰志略曰、阿非利加南土之峩朴、番謂山之盡頭處曰峩爲歐

羅巴東來必由之路、其地形銳入大南海、海水至此迴
薄、風濤猛烈異常、舟楫易於損壞、不得不謀修葺之所、
又長途水米接濟、荷蘭之墾、開此土、蓋有所不得已焉、

從前大西洋商船東來至岷朴必收帆寄碇近年海道愈熟收泊者十無二三則亦無關重輕矣